

Minnesota Lub Tuam Tsev Saib Xyuas Kev Noj Qab Haus Huv



Peb yog leej twg

Minnesota Lub Tuam Tsev Saib Xyuas Kev Noj Qab Haus Huv (MDH) yog lub koom haum ntawm xeev uas muaj lub luag hauj lwm tiv thaiv, tswj hwm, thiab txhim kho kev noj qab haus huv rau txhua tus neeg hauv Minnesota. MDH ua hauj lwm los mus pab kom Minnesota yog ib qho chaw zoo rau sawv daws nyob, ua hauj lwm, thiab ua si.

Minnesota qhov kev saib xyuas kev noj qab haus huv rau pej xeev yog ib qho zoo tshaj plaws hauv lub teb chaws. Nws tsim tsa nrog kev sib koom tes los ntawm MDH, cov koom haum saib xyuas kev noj qab haus huv hauv zeg zog, cov tsoom fwv ntawm haiv neeg Khab, thiab lwm cov koom haum. MDH muaj cov neeg ua hauj lwm tshaj 2,000 leej neeg. Lub koom haum rub tau cov neeg ua hauj lwm uas muaj tsab peev xwm ntau tsav ntau yam, nrog kev txhawb nqa zoo thiab kev muaj siab pab cov neeg hauv Minnesota.

Yam uas peb ua

Minnesota Lub Tuam Tsev Saib Xyuas Kev Noj Qab Haus Huv ua ntau yam los mus pab kom tib neeg nyob noj qab haus huv.

Nov yog qee yam piv txwv:

- Ntsuam xyuas cov kab mob sib kis thiab lis teeb meem kom sai thaum muaj cov kab mob sib kis dav.
- Tswj xyuas kom cov dej siv thoob plaws lub xeev zoo haus thiab kom zaub mov huv nyab xeeb zoo noj.
- Txhawb cov kev pab cuam zaub mov noj thoob plaws lub xeev rau cov poj niam, menyuam mos thiab menyuam yaus.
- Ua cov ntaub ntawv yug thiab ntaub ntawv tas siav.
- Txhawb cov cai tswj thiab cov kev pab cuam los cheem cov kab mob ntev thiab txhim kho kev kaj siab nyab xeeb.
- Kuaj xyuas cov tsev laus, cov tsev kho mob, thiab lwm cov chaw chaw kom muaj kev ua hauj lwm saib xyuas zoo.
- Khaws thiab ntsuam xyuas cov ntaub ntawv ntawm Minnesota qhov kev saib xyuas kev noj qab haus huv los txhawb kev pauv txhim kho.
- Muab tswv yim txo kev paug huab cua phom sij ib puag ncig uas puas tsuaj tau rau kev noj qab haus huv.
- Kuaj cov kab mob txawv thiab kev tsis hnov lus ntawm cov menyuam mos yug tshiab los mus tiv thaiv mob nkeeg ntev.
- Txo cov kev cuam tshuam rau kev noj qab haus huv uas los ntawm huab cua hloov pauv thiab cov huab cua muaj ceem.
- Muab nyiaj pab thiab ntaub ntawv ntiav zog rau cov pab pawg hauv zej zog los mus txhim kho kev noj qab haus huv.

Minnesota Department of Health
625 Robert Street North, PO Box 64975, St. Paul, MN 55164
651-201-5000 | health.mn.gov

Contact health.communications@state.mn.us to request an alternate format.



Pej xeev txoj kev noj qab haus huv yog ib yam uas peb ua ua ke, tam li peb yog ib lub zej tsoom los mus tuav nqa kom tib neeg nyob noj qab haus huv.

– Lub Koom Haum Tshuaj Kho Mob



Txhawb kho kev noj qab haus huv rau txhua tus

Ib yam tseem ceeb ntawm MDH lub luag hauj lwm yog muab kev ncaj ncees ntawm kev noj qab haus huv rau txhua txhua cov kev pab cuam. Lub luag hauj lwm txhim kho kev noj qab haus huv rau txhua lub zej zog yog tuav nqa nrog txhua tus neeg uas ua hauj lwm hauv lub koom haum. Muaj qee cov zej zog muaj hauv kev nyob noj qab haus huv ntau dua lwm cov zej zog – li no yog qhov peb hu hais tias kev tsis sib luag ntawm kev noj qab haus huv (health inequities). Kev tshawb kawm pom hais tias yuav kom muaj kev noj qab haus huv zoo, yuav tsum muaj kev nyob nyab xeeb, muaj vaj tse nyob, muaj kev kawm ntawv, zaub mov noj, nyiaj hli, thiab kev ncaj ncees ntawm kev ua neej. Li no txhais tau hais tias kev noj qab haus huv zoo tsis yog yuav tiv thaiv mob nkeeg thiab kev raug mob nkaus xwb. MDH xam pom txog txhua txhua yam uas muaj feem xyuam los mus tsim tsa txoj kev noj qab haus huv thiab saib xyuas tias sawv daws muaj yam uas lawv tsim nyog tau txais kom lawv noj qab nyob zoo.

Ntaub ntawv rau txhua leej txhua tus hauv Minnesota

MDH sib zog ua hauj lwm khaws thiab nthuav tawm cov ntaub ntawv uas txhua txhua cov neeg hauv Minnesota yuav to taub thiab siv tau coj los mus txiav txim rau lawv txoj kev noj qab haus huv. Qhov no txhais tias yuav tau khaws cov ntaub ntawv uas sawv cev rau txhua txhua haiv zej zog xws li cov haiv neeg txawv nqaj txawv tawv thiab cov haiv neeg Khab, cov neeg xiam oos khab, cov LGBTQIA+, cov neeg nyob rau zej zog deb nrog rau cov hauv nroog, thiab ntau dua ntawd ntxiv. Kev muaj cov ntaub ntawv ntawm txhua txhua haiv zej zog pab peb to taub zoo txog cov kev xav tau ntawm kev noj qab haus huv thiab seb yuav muab ntaub ntawv thiab kev pab li cas rau txhua txhua tus neeg kom nyob noj qab nyob zoo.

Daws teeb meem zej zog dav thoob plaws lub xeev

Cov kev daws teeb meem txhim kho kev noj qab haus huv ntawm pej xeev zoo tshaj plaws yog los ntawm ib tsoom zej zog. MDH koom tes nrog cov neeg lawv pab cuam los mus lis cov teeb meem uas tseem ceeb rau lawv, nrog kev nkag siab, thiab ua hauj lwm ua ke kom muaj kev sib txuas lus zoo. Kev muab nyiaj pab thiab ntaub ntawv ntiav zog rau cov kev pab cuam hauv cov cheeb tsam zej zog thoob plaws lub xeev yog qhov MDH txhawb nqa zej zog cov kev daws teeb meem los mus kho cov hauv paus uas ua rau muaj kev tsis sib luag ntawm kev noj qab haus huv thiab txhim kho kev noj qab haus huv rau txhua leej txhua tus.